

TRI

DEDDF LLESIANT CENEDLAETHAU'R DYFODOL A CHYNLLUN Y BANNAU

Deddf Llesiant Cenedlaethau'r Dyfodol a Chynllun Y Bannau

Mae Deddf Llesiant Cenedlaethau'r Dyfodol yn ei gwneud hi'n ofynnol i bob corff cyhoeddus yng Nghymru gyflawni datblygu cynaliadwy. Fel rhan o hyn, rhaid iddynt bennu amcanion llesiant a chymryd pob cam rhesymol i'w cyflawni.

Mae Awdurdod Parc Cenedlaethol Bannau Brycheiniog yn gorff cyhoeddus. Y cenadaethau a'r amcanion cenhadol a nodir yn Y Bannau yw'r amcanion llesiant a bennwyd gan Awdurdod Parc Cenedlaethol Bannau Brycheiniog. Maent yn cynnwys amcanion i'w cyflawni gan Awdurdod Parc Cenedlaethol Bannau Brycheiniog, a chan bartneriaid a'r gymdeithas ehangach.

Mae DEDDF LLESIANT CENEDLAETHAU'R DYFODOL (CYMRU) 2015 yn diffinio datblygu cynaliadwy yng Nghymru fel:

Y broses o wella llesiant economaidd, cymdeithasol, amgylcheddol a diwylliannol Cymru drwy weithredu yn unol â'r egwyddor datblygu cynaliadwy, gan anelu at gyrraedd y nodau llesiant.

Bydd cynlluniau i gyflawni'r cenadaethau a'r amcanion yn cael eu datblygu a'u cyflawni gyda phartneriaid yn ystod y pum mlynedd pan fydd Cynllun Rheoli Y Bannau ar waith. Mae Cynllun Corfforaethol Awdurdod Parc Cenedlaethol Bannau Brycheiniog yn nodi'r prif gamau y bydd y corff cyhoeddus ei hun yn eu cymryd i gyflawni'r amcanion llesiant.

Y MODD Y CENADAETHAU AC AMCANION Y BANNAU YN CYD-FYND Â DEDDF LLESIANT CENEDLAETHAU'R DYFODOL

NOD LLESIANT	CENHADAETH/NOD/AMCAN Y BANNAU
<p>Cymru Lewyrchus</p> <p>Cymdeithas arloesol, gynhyrchiol, carbon isel sy'n cydnabod y terfynau sydd ar yr amgylchedd byd-eang ac sydd, o ganlyniad, yn defnyddio adnoddau mewn modd effeithlon a chymesur (gan gynnwys gweithredu ar newid yn yr hinsawdd); ac sy'n datblygu pobllogaeth fedrus ac addysgedig mewn economi sy'n cynhyrchu cyfoeth ac yn cynnig cyfleoedd cyflogaeth, gan ganiatáu i bobl fanteisio ar y cyfoeth a gynhyrchir drwy gael gafael ar waith addas.</p>	<p>Cenhadaeth Pobl</p> <p>Erbyn 2028, bydd pobl y Parc Cenedlaethol yn gallu diwallu eu hanghenion (boed yn rhai'n ymwneud ag iechyd, yr economi, adloniant neu breswyl) yn ogystal â pharchu ac adfywio ein hamgylchedd. Cyfoethogir profiad yr ymwelwyr wrth iddo gael ei wreiddio'n gadarn o fewn egwyddorion cynaliadwyedd.</p> <p>Cenhadaeth Pobl - Uchelgais Economi'r Dyfodol:</p> <p>Bydd cymunedau a busnesau lleol yn elwa o economi fywiog a chynaliadwy sy'n canolbwyntio ar gynhyrchu cyfoeth lleol a'r economi sylfaenol. Bydd buddsoddiad newydd cynaliadwy yn gweithio ochr yn ochr â busnesau cartref i ddarparu cyfleoedd cyflogaeth o ansawdd da.</p> <p>Cenhadaeth Lle - Amcan</p> <p>Roedd gweithredu ar y cyd yn canolbwyntio ar ystod o feysydd gofodol i gyd-gynhyrchu ymatebion i argyfyngau ym myd natur, hinsawdd a'r economi</p> <p>Cenhadaeth Lle - Uchelgais Lleoedd Llewyrchus</p> <p>Lleoedd sydd wedi cynyddu'n gymesur y lefelau cyfoeth cymunedol a gynhyrchir yn yr economi lleol trwy ddatblygu'r economi sylfaenol, y mentrau cymdeithasol, a'r economi werdd.</p>

NOD LLESIANT	CENHADAETH/NOD/AMCAN Y BANNAU
<p>Cymru Gydnerth Cenedl sy'n cynnal ac yn gwella amgylchedd naturiol a bioamrywiol gydag ecosystemau iach a gweithredol sy'n cynnal cydnerthedd cymdeithasol, economaidd ac ecolegol ynghyd â'r gallu i addasu i newid.</p>	<p>Cenhadaeth Hinsawdd: Cyrraedd allyriadau nwyon ty gwydr sero-net ar draws Parc Cenedlaethol Bannau Brycheiniog erbyn 2035.</p> <p>Cenhadaeth Dwr: Adnoddau dwr ac amgylcheddau dwr glân, diogel, gwydn a digonol erbyn 2030.</p> <p>Uchelgais Cenhadaeth Dwr: Cefnogi'r dasg o ddarparu adnoddau dwr glân a chynaliadwy ar gyfer Bannau Brycheiniog a thu hwnt.</p> <p>Cenhadaeth Natur: Parc Cenedlaethol Natur-Bositif erbyn 2030</p> <ul style="list-style-type: none"> • Uchelgais Cenhadaeth Natur - adfer cynefinoedd: bydd holl brif gynefinoedd y Parc Cenedlaethol, gan gynnwys glaswelltir, coetir brodorol, rhostir yr ucheldir, a mawndir, ar y ffordd i wella'u bioamrywiaeth. • Uchelgais Cenhadaeth Natur - cadwraeth rhywogaethau: mae rhywogaethau blaenllaw sy'n nodweddu'r Parc Cenedlaethol neu gynefinoedd penodol, yn cynyddu mewn niferoedd ac ehangder. • Uchelgais Cenhadaeth Natur – gwella rheolaeth a swyddogaethau'r Parc ynghyd â'r gwasanaethau ecosystem a gynhyrchir ganddo. <p>Cenhadaeth Pobl - Amcan - Ymwelwyr y Dyfodol: Byddwn yn cynnal y fflam ar gyfer twristiaeth gynaliadwy. Mae ymweld â Bannau Brycheiniog yn darparu profiad unigryw ac yn hyrwyddo'r gefnogaeth ar gyfer adferiad natur, llesiant cymunedol a'r economi leol. Bydd ymwelwyr yn gwybod ein stori ac yn cael eu cymell i'n helpu ni i ymateb i heriau allweddol, yn enwedig trwy eu gweithredoedd a'u hymddygiad eu hunain.</p>

NOD LLESIANT	CENHADAETH/NOD/AMCAN Y BANNAU
<p>Cymru sy'n gyfrifol ar lefel fyd-eang. Cenedl sydd, wrth iddi wneud unrhyw beth i wella llesiant economaidd, cymdeithasol, amgylcheddol a diwyllianol Cymru, yn ystyried a allai gwneud peth o'r fath gyfrannu'n gadarnhaol at lesiant byd-eang.</p>	<p>Mabwysiadwyd cenadaethau ac amcanion yn unol â safonau byd-eang ar gyfer gwyddoniaeth a thegwch lle bynnag y bo'n berthnasol. Er enghraifft, Cenhadaeth Hinsawdd: datgarboneiddio tuag at neu y tu hwnt i'n cyfran deg o gamau gweithredu i haneru allyriadau byd-eang erbyn 2030, yn unol â nod Cytundeb Paris o gyfyngu ar godiadau tymheredd byd-eang i 1.5 gradd.</p> <p>Cenhadaeth Lle – Uchelgais Lleoedd Gwydn: Mae'r lleoedd hyn yn gynaliadwy yn ecolegol, yn economaidd ac yn gymdeithasol i'r dyfodol ac yn darparu mynediad da at dai, cyflogaeth a gwasanaethau i ddiwallu anghenion cymunedol. Maen nhw'n llai dibynnol ar gadwyni cyflenwi allanol am hanfodion yn sgil y cynnydd mewn cynhyrchu ynni adnewyddadwy, cyflenwi bwyd lleol a darparu cyfleoedd ar gyfer perchnogaeth gymunedol.</p>

NOD LLESIANT	CENHADAETH/NOD/AMCAN Y BANNAU
<p>Cymru sy'n fwy Cyfartal Cymdeithas sy'n galluogi pobl i gyflawni eu potensial ni waeth beth fo'u cefndir neu eu hamgylchiadau (gan gynnwys eu cefndir a'u hamgylchiadau cymdeithasol-economaidd).</p>	<p>Cenhadaeth Pobl - Amcan Cyfiawnder, Amrywiaeth, Cynhwysiant Byddwn yn herio ac yn dileu pob gwahaniaethiad a rhwystr i gyfranogiad lle bynnag y mae'n digwydd, gan greu Parc Cenedlaethol lle gall pawb ddod o hyd i gyfleoedd a'r ymdeimlad o berthyn.</p> <p>Cenhadaeth Pobl - Uchelgais Bwyd y Dyfodol: Bydd cynaliadwyedd a fforddiadwyedd y bwyd iach sydd ar gael i drigolion ac ymwelwyr wedi gwella trwy greu rhwydweithiau lleol ar gyfer cynhyrchu a manwerthu bwyd yn gynaliadwy</p> <p>Cenhadaeth Pobl - Uchelgais Sgiliau a Swyddi'r Dyfodol Bydd cymysgedd demograffig y bobl sy'n byw yn y Parc wedi cynyddu o ganlyniad i fuddsoddi mewn sgiliau gwledig i'r dyfodol</p> <p>Cenhadaeth Pobl - Uchelgais Cartrefi'r Dyfodol: Dyfodol: Bydd pobl sydd angen neu sydd eisieu byw yma yn gallu gwneud hynny o fewn eu modd. Bydd amddiffyniad helaeth yn erbyn ailgartrefi a chartrefi gwyliau lle bo angen. I'r rhai na allant fforddio prisiau'r farchnad, bydd opsiynau tai carbon-isel dan arweiniad y gymuned ar gael</p> <p>Cenhadaeth Pobl – Amcan Busnesau : Cynaliadwy: Bydd rhwydwaith cefnogi busnesau ar gael sy'n ymroddedig i adeiladu economi leol gynaliadwy a theg o fewn Bannau Brycheiniog.</p>

NOD LLESIANT	CENHADAETH/NOD/AMCAN Y BANNAU
<p>Cymru Iachach Cymdeithas lle mae llesiant corfforol a meddyliol pobl gystal â phosibl a lle deallir dewisiadau ac ymddygiadau sydd o fudd i iechyd yn y dyfodol.</p>	<p>Uchelgais Cenhadaeth Dŵr Sicrhau y gall pawb sy'n byw ac yn ymweld â Bannau Brycheiniog fanteisio ar y buddion iechyd a llesiant a ddaw yn sgil amgylcheddau dŵr o ansawdd uchel a natur doreithiog</p> <p>Cenhadaeth Lle - Uchelgais Lleoedd Iach: Lleoedd sy'n cynnig manteision amrywiol i iechyd a llesiant y cyhoedd.</p> <p>Cenhadaeth Pobl – Uchelgais Bwyd y Dyfodol: Bydd cynaliadwyedd a fforddiadwyedd y bwyd iach sydd ar gael i drigolion ac ymwelwyr wedi gwella trwy greu rhwydweithiau lleol ar gyfer cynhyrchu a manwerthu bwyd yn gynaliadwy</p>
<p>Cymru o gymunedau cydlynus. Cymunedau atyniadol, hyfyw a diogel sydd â chysylltiadau da.</p>	<p>Cenhadaeth Pobl – Uchelgais Cyfiawnder, Amrywiaeth, Cynhwysiant: Byddwn yn herio ac yn dileu pob gwahaniaethiad a rhwystr i gyfranogiad lle bynnag y maent yn digwydd, gan greu Parc Cenedlaethol lle gall pawb ddod o hyd i gyfleoedd a'r ymdeimlad o berthyn.</p> <p>Cenhadaeth Lle – Uchelgais Lleoedd wedi'u Cynllunio'n Dda: Mae pawb yn teimlo cysylltiad â'u lle ac mae hyn o fudd i iechyd a llesiant pobl. Mae ein lleoedd yn darparu amgylchedd adeiledig o ansawdd uchel sy'n rhoi man diogel i'n preswylwyr ac ymwelwyr gwrdd, byw, gweithio, chwarae a chysylltu â'i gilydd. Gall ein busnesau ffynnu trwy gysylltu â phobl, gwasanaethau a seilwaith.</p> <p>Cenhadaeth Lle – Uchelgais Lleoedd Arloesol: Mae'r lleoedd hyn yn meddu ar rwydweithiau cysylltiedig o ddinasyddion sy'n cydweithio'n arloesol â busnesau a sefydliadau allweddol er mwyn cynnig atebion i heriau sy'n seiliedig ar le.</p>

Y MODD Y CENHADAETH AC AMCANION BANNAU'R DYFODOL YN CYD-FYND Â'R FFYRDD O WEITHIO

NOD LLESIANT	CENHADAETH/NOD/AMCAN Y BANNAU
<p>Cymru sy'n fwy Cyfartal Cymdeithas sy'n galluogi pobl i gyflawni eu potensial ni waeth beth fo'u cefndir neu eu hamgylchiadau (gan gynnwys eu cefndir a'u hamgylchiadau cymdeithasol-economaidd).</p>	<p>Cenhadaeth Pobl - Amcan Cyfiawnder, Amrywiaeth, Cynhwysiant Byddwn yn herio ac yn dileu pob gwahaniaethiad a rhwystr i gyfranogiad lle bynnag y mae'n digwydd, gan greu Parc Cenedlaethol lle gall pawb ddod o hyd i gyfleoedd a'r ymdeimlad o berthyn.</p> <p>Cenhadaeth Pobl - Uchelgais Bwyd y Dyfodol: Bydd cynaliadwyedd a fforddiadwyedd y bwyd iach sydd ar gael i drigolion ac ymwelwyr wedi gwella trwy greu rhwydweithiau lleol ar gyfer cynhyrchu a manwerthu bwyd yn gynaliadwy</p> <p>Cenhadaeth Pobl - Uchelgais Sgiliau a Swyddi'r Dyfodol Bydd cymysgedd demograffig y bobl sy'n byw yn y Parc wedi cynyddu o ganlyniad i fuddsoddi mewn sgiliau gwledig i'r dyfodol</p> <p>Cenhadaeth Pobl - Uchelgais Cartrefi'r Dyfodol: Dyfodol: Bydd pobl sydd angen neu sydd eisieu byw yma yn gallu gwneud hynny o fewn eu modd. Bydd amddiffyniad helaeth yn erbyn ailgartrefi a chartrefi gwyliau lle bo angen. I'r rhai na allant fforddio prisiau'r farchnad, bydd opsiynau tai carbon-isel dan arweiniad y gymuned ar gael</p> <p>Cenhadaeth Pobl – Amcan Busnesau : Cynaliadwy: Bydd rhwydwaith cefnogi busnesau ar gael sy'n ymroddedig i adeiladu economi leol gynaliadwy a theg o fewn Bannau Brycheiniog.</p>

NODAU LLESIANT	BANNUA'R DYFODOL
<p>Hirdymor Pwysigrwydd sicrhau cydbwysedd rhwng anghenion tymor byr a'r angen am ddiogelu'r gallu i ddiwallu anghenion tymor hir hefyd</p>	<p>Mae Y Bannau yn gynllun rheoli pum mlynedd ar gyfer y Parc Cenedlaethol gyda'i olygon ar y 25 mlynedd nesaf. Mae gan rai o'r cenadaethau gyfnod y tu hwnt i bum mlynedd gan gynnwys y cenadaethau hinsawdd a natur.</p> <p>Mae fframwaith monitro yn cael ei ddatblygu mewn partneriaeth sy'n edrych ar nodau hyd at 2050 (neu'r tu hwnt lle bo'n berthnasol)</p>
<p>Integreiddio Ystyried sut gall amcanion llesiant y corff cyhoeddus effeithio ar bob un o'r nodau llesiant, ar bob un o'u hamcanion eraill, neu ar amcanion cyrff cyhoeddus eraill</p>	<p>Mae Y Bannau wedi'i ffurfio ar ddelw Economeg Toesen sy'n cyfuno cysyniadau'n ymwneud â therfynau planedol a Nodau Datblygu Cynaliadwy'r Cenedloedd Unedig i greu dull integredig o gyflawni llesiant.</p>
<p>Atal Y ffordd y gall gweithredu i atal problemau rhag digwydd neu waethygu helpu cyrff cyhoeddus i gyflawni eu hamcanion.</p>	<p>Mae cenadaethau Y Bannau yn cael eu llunio mewn ymateb i'r argyfyngau o ran hinsawdd, natur, costau byw a llesiant. Y ffordd orau o atal problemau rhag gwaethygu yw gweithredu i wynebu'r heriau hyn ar raddfa eang a chyflym.</p>

Ways of Working	Future Bannau
<p>Cynnwys Pobl Pwysigrwydd cynnwys pobl sydd â diddordeb mewn cyflawni'r nodau llesiant, a sicrhau bod y bobl hynny'n adlewyrchu amrywiaeth yr ardal maent yn ei gwasanaethu.</p>	<p>Datblygwyd Y Bannau dros gyfnod estynedig drwy ymgysylltu'n helaeth â rhanddeiliaid. Sefydlwyd Cynulliad y Bobl a Phanel Cyfeirio Rhanddeiliaid, a chynhaliwyd ystod eang o sesiynau dwys ar bolisiau i hwyluso mewnbwn gwybodus i'r Cynllun.</p> <p>Cenhadaeth Pobl – Amcan Cyfiawnder, Amrywiaeth, Cynhwysiant: Byddwn yn herio ac yn dileu gwahaniaethu a rhwystrau i gyfranogiad lle bynnag y maent yn digwydd, gan greu Parc Cenedlaethol lle gall pawb ddod o hyd i gyfleoedd a'r ymdeimlad o berthyn.</p> <p>Cenhadaeth Lle - Cyfraniad APCBB: Byddwn yn gweithio gyda chymunedau o fewn y Parc Cenedlaethol i ddatblygu cynlluniau ar gyfer lleoedd sy'n adeiladu ar nodweddion arbennig eu hardal, er mwyn gwella ansawdd bywyd, cefnogi llesiant economaidd a gwella'r amgylchedd adeiledig a naturiol.</p> <p>Mae Cynnwys Pobl yn greiddiol i'n mecanwaith ar gyfer cyflawni ac fe amlygir hynny ym mhob adran ar genhadaeth a phartner yn Sêr y Bannau.</p>
<p>Cydweithio Gallai cydweithredu ag unrhyw berson arall (neu wahanol adrannau yn y corff ei hun) helpu'r corff i fodloni ei amcanion llesiant.</p>	<p>Cenhadaeth Lle: Gweithio gyda'r bobl a'r asiantaethau sydd â'u gwreiddiau'n ddwfn yn y lleoedd hyn, er mwyn pennu'r heriau allweddol a chydweithio i ddod o hyd i'r atebion sy'n gweithio ar lawr gwlad. Wrth wneud hyn, rydyn ni'n ceisio mynd at wraidd yr hyn sy'n gwneud lleoedd yn fannau gwych i weithio, byw a chwarae ynddynt trwy ddarparu gwasanaethau ecosystem megis glanhau'r aer a'r dŵr a chloi'r carbon.</p> <p>Mae'r mecanwaith cyflawni yn cynnwys cydweithio, er enghraifft drwy Sêr y Bannau, o fewn pob adran ar genhadaeth a phartner</p>